



S. VIII. 33.

EPISTOLIUM CONSOLATORIUM

Cum nonnullis epigrammatibus.

Ad

VIRUM MAGNIFICUM, AMPLISSI-
mum & Consultissimum,

DN. IVRGA-
VALENTINUM
VVINTERUM, J. U. Do-
ctorem, Comitem Palatinum
caesareum, Consiliarium aulicum & Pæda-
gogij Stetinenſis Capitularem, obitum filio-
læ ſuæ, cheu / deſideratiſſimæ,
lugentem,

Scriptum ab amicis quibusdam candidis.

Anno & Die,

LVCe Abrahæ MorliVr VlntherI Gnata
(Cathrlna:


ILLI Cœlipotens Conferat astra pater.

STETINI,

Typo SAMUELIS KELNERI, Anno 1622.

Eccles: c. 30.

Melior est Mors, quàm vita amara: Et requies
æterna quàm languor perseverans.



2. Regum 14.

Omnes morimur, & quasi aquæ dilabimur in
terram, quæ non revertuntur.

*Salutem à salutis fonte Emanuele
nostrò.*

IN publico (proh dolor!) omnes ver-
samur jam luctû, ob inopinatû Ill^{mi}
ac Rever^{mi} Principis nostri U L D A-
R I C I obitû, & ad bēatiora Illa loca
abitu; Tu verò Magnifice Vir, amice & adfi-
nis colende, præter publicum privatô insuper
& domesticô luctû premeris, dum carissimam
amifisti *Filiolam*. Prior communē hanc nostram,
totam scilicet tangit & angit P O M E R A N I A M :
Posterior domû & familiam V V Y N T E R I A N A M ;
Si liceat magnis rebus cōponere parvas, ut ait Poëta.
Uterq; jam lenimine & malagmate indiget: Il-
lum quidem ut mitigemus, ardentibus ad D E -
u m precibus opus est, quò pœnam cervicibus
nostris imminentem benignus avertat, Ill^{mam},
quæ nobis superest ô (utinam diutissimè!) P O -
M E R A N I Æ *Ducum Bigam* salvam & incolumen
servet, conserve, fœcundet, secundet, ut sub
Illâ, ejusq; Posteritate, nos nostriq; aureâ frua-
mur

mur pace, ad extremum usq; supremi iudicii
momentum! Hic Amicorum exposcit consola-
tiones, quæ (teste Euripide) Si lugenti nimi-
rum Amico Amicus subveniat, longè gratiores
sunt, quàm si nautis in tempestate serenitas ob-
veniat. Ne itaq; & ego partibus meis deesse vi-
dear, Epistoliolò hòc, tenui licet, magnum ta-
men animi mei dolorem contestari volui.
Quæso autem luctus ille tuus parcior & mode-
rator sit, & tui ipsius, quem febriles adhuc exa-
gitant Paroxyfmi, rationem habeas: Quid enim
Vita, quam filix tuæ ereptam luges? ludibrio-
rum scena, miseriarum mare, per quod ut ma-
ximè ex votò feratur navis, in multos tamen
scopulos impingat, multis vadis obhærescat, ne-
cessum est: Quid contrà Mors? Dulcis somnus,
requies, gaudium, finis miseræ hujus & principi-
um melioris Vitæ, aut si quid in eâ mali, malis
tantùm. Quæ cum jam Deò sic disponente te-
neræ etiam huic plantulæ, è terrestri in coele-
stem hortum transpositæ, obtingant, cur invi-
deamus? Tibi interim Clarissime Vir sanitatem
constantem & cum novò instante hòc annò,
novas

novas vires ex animò precor. Dabam è Musæo
meo, ipsâ die Incarnationis Dominicæ Anni
M. DC. XXII.

Tui perpetuùm

Obfermus.

AND. HILTEBRANDT Med. Doct.

Ad piè defunctam ejusdem

μελαστήχου.

Una Tibi nomen dedit & pri-
(mordia vitæ

BRUMA, sed Altera, jam dat ti-

(bi BRUMA necem!

Planta foli Brumalis eras, Ver-

(nalisat, inde

Erepta, æternus es vivida

(Planta poli.

ALIUD.

ALIUD.

Ergo & Tu WINTERE, aliquid per funera
(Nata
Passus es humanum! & Tibi jam, contingere
Quæ possunt homini, sentis contingere posse! (cur vis
Natos nempe Homines hinc noscis Teq; Tuosq;
Communiq; hominum sub conditione jacere.

Nec solum id noris: Sed & hoc Te nosse decebit,
In cælis quod qui nobis DEUS omnibus, idem
Et tibi sit DEUS. Hic DOMINUS vitæq; necisq;,
Corporis atq; animæ, sortis lætæq; malæq;:
Cunctis cuncta super qui proinde tremore timendus.

Sed nec & id solum: quin & Te nosse memento,
Quod tamen haud tantò sit fas tremuisse timore;
Ut spes, utq; fides, animusq; hinc excidat omnis.
Sed quoq; cuncta super DOMINUS reverenter aman-
Omnis & in solo figi fiducia debet. (dus,

Pro nece dat vitam hic, animis hic corpora rursus
Jungit, luce crucem lætisq; hic tristitia mutat.
Ergo timens & ama, & contrà fidentior in ista.
Dicito: IOVA DEDIT, IOVA ABSTULIT (egit Iova
Ius jure suo) BENEDICTUM NOMEN JOVÆ.

Doloris levandi, honoris testandi causâ f.

M. Henricus Kielmannus,
Ducat. Padagogij ConR.

ALI-

ALIUD.

Anna Catharina VVinterias

Per duplex Anag:

Prius, Aspir: neglect:

Nata ain? curâ annitar IESU.

Posterius:

In nata, vernant hic arva salis.



Eti dum pueri sparsæq; lepore puellæ
expectant Christi dona novella sui:
Ecquid Winterias spirat? quæ munera sperat?
non mundi immundi, sed nova terra Poli:
Decumbit, patrius generosa per ora recurrit
candor; sed morbus membra tenella coquit.
Quid pater? in carâ cura omnis & omne levamen
Stat natâ, mæstus sic gemit atq; fremit;
Tu me Carâ tui cupidum sic deseris? instat
læta dies, CHRISTUS quâ sua dona dabit.
Mitte mori: mors est homini foecunda malorum:
Vita placet; vitæ sis comes ANNA mex.
Non mala, læta refert, mihi mors; horrenda videtur
illis, quos scelerum sarcina dura premit.
Sævi siquid habet, curâ eni annitar IESU,
ut vincam: pugnat qui hoc duce, victor erit.
Nata ain? hinc genitor, curâ eni annitar IESU,
inquit; ovas; palmam, sic age, læta feres.
Mox ea: Iessæo connatam ab origine labem
Sanguine deteris; mors mihi porta poli est.

Blan-

Blandidulo adventans solatur IESULUS ore.

Suggerit & vires, & rata sarta parat

Hûc i nata, vocat, *sanis hic arva* colonis

Vernant: deponam hæc membra, vocata sequar.

Sic ait, & placido consopit lumina somno,

ceu cadit incisus flosculus ante diem.

Quare ne pectus nimium *Vir magne* paternum

Exerucies, patriâ nata potita suâ est.

Ad contestandam observant:

Ε συνπαραντα L.

M. MARTINUS LEUSCHNERUS

S. S. Theol : Stud : Ducal : Pædagog :

Sedin : SubR.

F I N I S.





921116 **Bibliotheca** 105 000
P.P. Camaldulensium in Bielany

Depozyt w Bibliotece Jagiellońskiej



06393

S.VIII.33

